

SURAT BERITA DOA

SATU PANGGILAN DOA UNTUK MALAYSIA

Kesatuan Doa (Prayer United) ditubuhkan sempena Tahun Jubli untuk menggerakkan umat Kristian agar berdoa tanpa henti untuk **pemulihan Gereja dan transformasi Negara**.

Kami memohon agar semua pendoa syafaat terus bertekun dalam doa, agar Allah membuka langit syurga, menunjukkan kemuliaanNya, dan mencurahkan kuasaNya ke atas negara kita. Marilah kita menuntut janji-Nya bahawa "dan umat-Ku, yang atasnya nama-Ku disebut, merendahkan diri, berdoa dan mencari wajah-Ku, lalu berbalik dari jalan-jalannya yang jahat, maka Aku akan mendengar dari sorga dan mengampuni dosa mereka, serta memulihkan negeri mereka." (2 Tawarikh 7:14). Marilah kita memohon Tuhan agar menjawab doa kita untuk perkara-perkara berikut:

- **Kekudusan Dan Kebenaran Dalam Gereja** – Berdoa agar Gereja di Malaysia boleh menjadi sebuah komuniti yang bernubuat, memberi impak kepada masyarakat bila kita menjalani kehidupan Kristian yang sejati dan berghairah serta menjadi garam dan terang kepada negara. Hanya dengan demikian gereja dapat bertindak dan bersuara dengan penuh kredibiliti dan mempunyai autoriti moral sehingga boleh diambil secara serius oleh pemimpin negara.
- **Gereja yang Bersatu dan yang Mencerminkan Identiti Malaysia** – Berdoa agar umat Kristian akan berusaha untuk mengekalkan kesatuan iman, memeluk perdamaian dan pemulihan, menyingkirkan sekatan yang dibudayakan dan menjadi satu contoh dalam menyatukan semua kaum, bahasa dan budaya di bawah Ketuhanan Yesus, serta menjadi model yang baik untuk perdamaian etnik di negara kita.
- **Mengejar Pemuridan yang Benar** - Berdoa agar umat Kristian akan memahami maksud sebenar menjadi pengikut Yesus, dan sanggup memikul kayu salibnya setiap hari dan mengalami penderitaan untuk Kristus. Berdoa agar ramai umat Kristian dalam bidang profesional dan pelajar universiti yang belajar di luar negara akan pulang dengan visi yang jelas untuk membangunkan gereja dan negara.
- **Gereja Peribumi yang Diperkasakan dan Bertumbuh** – Berdoa untuk gereja di Sabah, Sarawak dan Gereja Orang Asli di Semenanjung, agar terus bertumbuh dan diperkuatkan, dan agar pemimpin yang berani dan takut akan Tuhan akan dibangkitkan.

- **Pemulihan Ekonomi** – Berdoa agar Tuhan akan terus memberkati negara kita dengan memberi pemimpin negara hikmat untuk mengemudi negara kita pada masa kegawatan ekonomi dan kejatuhan harga komoditi. Berdoa untuk pembahagian kekayaan negara yang sama rata dan saksama bagi semua kaum dan jugs memberikan layanan yang adil terhadap orang asing dan pelarian. Berdoa untuk pembentukan dasar-dasar yang lebih baik dan perbelanjaan yang cermat. Berdoa menentang laknat rasuah, islamisasi yang menjalar dan penyalahgunaan kuasa.
- **Kebebasan Institusi Kerajaan** – Berdoa untuk perlindungan kebebasan institusi-institusi seperti Bank Negara Malaysia (BNM), suruhan-jaya anti- rasuah (MACC), Jabatan Audit Negara (JAN) dan pihak kehakiman daripada usaha-usaha tipu helah yang menggugat keluhuran Perlembagaan Persekutuan, kebebasan dan hak asasi, prinsip-prinsip demokrasi dan kedaulatan undang-undang di negara kita. Berdoa untuk pengawai kerajaan yang saleh dan jujur yang boleh bekerja dengan berani tanpa rasa takut atau pilih kasih. Berdoa untuk pemimpin yang benar dan bersih yang akan menegakkan proses-proses demokrasi institusi selain memulihkan nilai dan integriti khususnya di Parlimen.
- **Pemulihan Kebenaran di Negara**– Berdoa untuk satu transformasi yang penuh berkuasa yang akan membawa kepada pemulihan keadilan dan kebenaran di Malaysia. Berdoa agar Malaysia boleh berpulih daripada tahun yang penuh skandal. Berdoa agar sebarang kejahatan di kalangan pihak berkuasa didedahkan, agar keadilan ditegakkan.

PERKARA DOA UNTUK BULAN INI:

1. Rang Undang-undang Ahli Persendirian PAS mengenai Hudud

- a. Rang Undang-undang Ahli Persendirian PAS milik YB Dato' Seri Hadi Awang Ahli, MP Marang, telah dibenarkan untuk dibentangkan untuk perbahasan dengan meletakkan hal tersebut di atas urusan kerajaan. Rang Undang-Undang Ahli Persendirian bertujuan utama untuk menghapuskan perlindungan yang kami rujuk sebagai "Perlindungan 3-6-5" daripada akta Mahkamah Syariah (Bidang Kuasa Jenayah) 1965, atau juga dikenali sebagai Akta 355. Seperti yang dikatakan oleh Timbalan Menteri Besar Kelantan, Encik Mohd Amar berkata Rang Undang-Undang yang dibentangkan baru-baru ini bertujuan untuk meningkatkan dan menyelaraskan kuasa keseluruhan sistem keadilan Syariah di negara ini.
- b. Demikian pada masa seperti ini, berdoa gereja akan bangkit dan berdoa, mengetahui identiti kita sebagai anak-anak Allah serta kelebihan dan

keistimewaan berdoa. Berdoalah bahawa selain daripada mengadu sahaja, kita akan sedar mengenai peranan kita dalam pembangunan negara serta menjadi suara kepada yang tidak boleh bersuara, mencari perpaduan dan kebangkitan kerohanian gereja.

- c. Berdoalah untuk orang-orang yang soleh di Parlimen dan Kerajaan untuk bersuara demi keadilan dan menegakkan hak asasi manusia. Berdoa khususnya agar ahli parlimen Sarawak akan bersatu dan bersuara menentang rang undang-undang ini. Berdoa menentang rancangan-rancangan sulit dalam melaksanakan undang-undang Syariah melalui pelbagai pentadbiran negeri dengan tujuan untuk mengislamkan Perlembagaan Persekutuan dan akhirnya menyelaraskan semua undang-undang di bawah hudud.
- d. Berdoalah untuk menegakkan Perkara 8 dalam Perlembagaan Persekutuan - Kesaksamaan sebelum Undang-undang yang memperuntukkan bahawa "semua orang adalah sama di sisi undang-undang dan berhak mendapat perlindungan yang sama terhadap undang-undang ". Berdoalah untuk keadilan, kesaksamaan, konsistensi dan keseragaman undang-undang yang meliputi penguatkuasaan undang-undang itu dan bentuk hukuman yang juga sama dan konsisten untuk semua orang yang terlibat di Malaysia. Berdoalah untuk pemeliharaan "Perlindungan 3-6-5" selaras dengan persamaan dan konsistensi ini yang dinyatakan dalam kes Akta 355 sebagai meletakkan had untuk memastikan bahawa semua bentuk hukuman yang dijatuhkan adalah konsisten dan seragam
- e. Berdoalah untuk menegakkan Perkara 8 dalam Perlembagaan Persekutuan - Kesaksamaan sebelum Undang-undang yang memperuntukkan bahawa "semua orang adalah sama di sisi undang-undang dan berhak mendapat perlindungan yang sama terhadap undang-undang ". Berdoalah untuk keadilan, kesaksamaan, konsistensi dan keseragaman undang-undang yang meliputi penguatkuasaan undang-undang itu dan bentuk hukuman yang juga sama dan konsisten untuk semua orang yang terlibat di Malaysia. Berdoalah untuk pemeliharaan "Perlindungan 3-6-5" selaras dengan persamaan dan konsistensi ini yang dinyatakan dalam kes Akta 355 sebagai meletakkan had untuk memastikan bahawa semua bentuk hukuman yang dijatuhkan adalah konsisten dan seragam

2. Kementerian Hal-Ehwal bukan Islam di Sarawak

- a. Berdoalah untuk Douglas Unggah Embas yang dilantik sebagai menteri negeri bagi hal ehwal bukan Islam. Berdoalah untuk struktur yang baik, kerjasama

dengan gereja tempatan dan agama bukan Islam yang lain, selain dengan kebijaksanaan dan rasa takut akan Tuhan.

- b. Berdoalah agar kementerian ini akan berkhidmat untuk menggalakkan keharmonian agama di kalangan rakyat Sarawak dan menyelesaikan isu-isu dan masalah yang dihadapi oleh masyarakat Kristian berhubung kebebasan beragama. Berdoalah agar tiada kompromi mengenai Kebebasan Agama negeri ini seperti yang dijamin oleh Perlembagaan Persekutuan. Berdoa agar kerajaan negeri Sarawak akan mengambil segala langkah yang diperlukan untuk melindungi hak negeri sebagai salah satu ahli pengasas Persekutuan Malaysia.

3. Kesatuan Gereja di Sarawak

- a. Gereja-gereja di Sarawak telah bekerja rapat selama ini di bawah naungan ACS. Walau bagaimanapun, sebilangan besar gereja independen, Baptist dan Gereja Assembly of God tidak termasuk di bawah ACS. Memang baik jika terdapat satu cara untuk membawa gereja-gereja ACS dan gereja-gereja bukan ACS bersama-sama. Cabaran yang dihadapi oleh Gereja di Sarawak adalah sangat besar. Berdoa untuk kesatuan tubuh Kristus di Sarawak.

4. 1MDB dan Ekonomi Bangsa

- a. Berdoalah untuk 1MDB, berdoa untuk penyelesaian yang cepat dan adil. Sebagai pihak berkuasa dari kawasan dunia berlainan seperti Singapura dan Switzerland dalam menyiasat dan mempertimbangkan tindakan jenayah terhadap pengubahan wang haram dan pelanggaran perbankan dan pematuhan peraturan, kita berdoa bahawa pihak berkuasa Malaysia akan memandang serius dan mengambil tindakan sewajibnya yang wajar tanpa rasa takut atau memihak kepada mana-mana pihak pun.
- b. Memandangkan bon 1MDB tidak membayar bayaran kupon mereka, besertakan Kementerian Kewangan yang telah mengumumkan pengambilan hutang 1MDB di bawah kerajaan, hal ini telah menambahkan bebanan kepada keadaan hutang negara, mewujudkan liabiliti kontingen; semua isu-isu ini akan menjejaskan status kedaulatan kita dan membawa kepada penurunan status negara kita. Berdoa agar kebijaksanaan akan membinbing Kementerian Kewangan dalam situasi yang amat sukar ini.

5. Berdoa Menentang Ancaman Pengganas dan Pemberontakan

- c. Berdoa agar pihak berkuasa akan sentiasa bersedia dan berjaga-jaga dalam melindungi negara ini daripada ancaman pengganas di bandaraya-

bandaraya seperti Kuala Lumpur, Putrajaya, Pulau Pinang dan di negeri Sabah, di mana ISIS sedang mengancam untuk menubuhkan sebuah Khalifah di Asia Tenggara. Berdoa agar semua perancangan untuk mengukar-kacirkan Asia Tenggara akan gagal.

- d. Berdoa untuk pemuda-pemudi Islam, agar mereka dilindungi daripada dihasut secara radikal oleh ideologi-ideologi puak pelampau yang cuba memerangkap mereka melalui kebencian, penakutan, penipuan, pengumpulan dan pemahaman yang salah terhadap kepercayaan mereka.

6. Berdoa untuk Orang Islam yang Menyambut Hari Raya

- e. Berdoa untuk keamanan dan perlindungan bagi semua orang terutamanya umat Islam di negara kita di sepanjang bulan Ramadan dan Hari Raya ini. Berdoalah untuk persefahaman, kesabaran dan kasih sayang antara kaum, agama, agar dalam semua perundangan antara kumpulan, Tuhan akan dilibatkan dan ditinggikan. Berdoalah untuk penyamarakan dalam doa berkenaan dunia Islam dan untuk kasih sayang yang semakin mendalam bagi mereka semua.

Untuk Sekretariat Kesatuan Doa (PU)

Chrisanne Chin
Rev Andy Chi

Hubungi Kami: prayerunited.my@gmail.com